

山西通志

册七十六





山西通志 卷一百五十八  
楊大妻張氏年二十四夫亾撫子臯守志洪武間旌表

白天麟妻和氏年二十夫亾子溫甫四月食貧守節洪武間

旌表

劉尚貞妻侯氏年二十夫亾子懲甫一歲撫子守節洪武間旌表

生員李尚妻郭氏年十七夫亾欲自縊家人防之不果越三

日投井死

同知周心易繼妻薛氏年二十四夫亾事姑撫子節操迄老

如初奉詔旌表

洛川縣君陳嘉祿妻祿坐人命繫獄自縊縣君悲慟亦投繯死之

張貴卿妻姚氏弟妻王氏又弟妻王氏子妻姚氏皆青年失

偶矢志如一州守旌曰一門四節

閻竒榮妻常氏翁病氏割股療之鄉黨稱孝

樊鯉妻張氏夫死飲鴆以殉

開州知州王臣直二妾俱姓常氏臣直卒二常一縊雙頸縊於室一救甦一竟死焉

李克父妻常氏克父以父累自縊死常同縊殉之

甯景春妻張氏景春歿遺孤光普甫三歲母多方奪其志不從景春既葬後二日密縊中庭

吉永泰妻王氏妾陳氏崇禎辛未冬流寇掠泉掌永泰任俠格鬪死越明年二月王與陳同日雉經

張平妻許氏平父被賊縛平求代脫父平見殺氏卽縊死樓上

生員趙含貞妻王氏崇禎辛未流賊亂登樓自焚死

趙芊妻閻氏辛未之變夫為賊所執氏護夫被殺

衛廷璧二女姜姜藕女生員梁之龍女愛愛薛有梅妻蘭氏

辛未之變胥不辱墜崖死一時同死者共三十五烈

王懋宦妻嚴氏甲申闖逼堡氏墜堡不死復墜井死

段世命妻楊氏寇亂被執不屈烙其體無完膚斷首懸門而

去

生員梁從高妻陳氏子婦蘭氏郝氏許氏女梁氏一門盡難

同赴井死

張某妻許氏賊逼投繯死

許憲祖妻王氏闖逆陷城氏同諸婦避密室賊乘屋瞭望得

之急走廁中比賊至氏已縊而死賊引刀斷頭繯而去

高明妻王氏甲申之變氏及二女投井死又馬應康妻馮氏

子馬雲鳳妻楊氏王玉振妻朱氏楊餘慶妻朱氏李四妻

某氏馬某妻某氏楊天瑞義女三一不知某姓氏十有三

人胥赴一井死并為之克塞

任壘妻王氏許應捷妻梁氏張鈺妻陶氏梁萬繼妻薛氏趙

世威妻張氏楊進高妻李氏崔爵妻丁氏生員許寵妻安

氏生員柴惟喬妻陳氏陶沐妻郝氏范芹妻李氏杜文會

妻孟氏陶坤妻牛氏丁時和妻陶氏張應可妻楊氏李憲

妻羅氏段一清妻李氏生員靳琪妻閻氏靳時中妻韓氏

郝迎賓妻劉氏孫魯菴妻陳氏楊時倉妻周氏楊民戴妻

李氏董鳳雲妻王氏楊嘉謨妻周氏秦嘉勝妻王氏馬一

鳳妻丁氏張奇瑞妻王氏王成民妻趙氏盧紹吉妻張氏



山西通志 卷一百五十八  
許應揚妻周氏孫養素妻陳氏郝一桂妻朱氏段進妻王  
氏安于直妻李氏孟仲倉妻張氏崔光寧妻馬氏段秀麒  
妻陶氏生員段世慶妻陶氏馬順妻陳氏陳紹信妻馬氏  
馬雲鶴妻薛氏李紹亮妻范氏許啓英妻陶氏皇甫澮妻  
梁氏衛應林妻姚氏閻崇德妻王氏薛三台妻陶氏生員  
尹之樂妻李氏李太素妻王氏生員楊廷楨繼妻李氏王  
鎮民妻吳氏王邦本妻張氏張俊德妻常氏劉獲麟妻任  
氏許有章妻安氏李廷桂妻衛氏張履貞妻朱氏監生陳  
紹先妻梁氏党全清妻張氏馮國祚妻馬氏皇甫橙妻陶  
氏子皇甫爨妻李氏許應徵妻嚴氏席懋敬妻謝氏以上  
俱守志節

趙鳴岡妻秦氏光胡女妻范氏蔡邦勝妻趙氏邦勝女惜惜

郝邦榮妻楊氏郝邦益妻張氏郝邦勝妻張氏李凌烟妻  
藺氏李九烟妻權氏李凌閣妻權氏李吉星妻張氏關世  
科女希希權永昇妻家氏劉周秦妻王氏靳保保妻楊氏  
生員靳光省妻程氏郝官妻光氏張進財妻薛氏郝潤妻  
楊氏党元正妻楊氏衛薛山妻孟氏衛錫珍妻李氏張時  
辛妻關氏聶元方妻董氏聶天恩妻毛氏聶邦勝妻孔氏  
聶光耀妻范氏李良棟妻郝氏王世萬妻家氏以上俱辛  
未死難

朱炫臺妻李氏郭景德妻朱氏蔡綱妻王氏孫保祿妻郭氏  
杜仰泉妻朱氏劉聚民妻楊氏楊玉山妻胡氏趙時恩妻  
党氏李進福妻孫氏王宗堯妻某氏以上俱甲申死難

國朝

山西通志 卷一百五十八 四  
董永芳妻陳氏年二十七永芳染疫卒氏毀容守志撫孤爲  
邑諸生康熙二十七年疏請旌表

馬應龍妻王氏應龍將賈於外念氏孤處招隣婦李氏就舍  
並令李氏老父爲之應門李父復挾伊戚衛延者往來氏  
家越明年李父他往其女復歸暮夜衛延突入逼之氏大  
聲峻拒延懼手扼其吭而死事聞康熙四十五年建坊旌  
表

縣丞康爾弗繼妻馬氏少寡矢志孀居三十年雍正四年旌  
表

張永泰妻郭氏年二十而寡誓守夫節翁好義樂施予將順  
不違其意歲歉勤紡績以佐不逮子啓業領鄉薦孫益謙  
入黌宮氏教誨之力居多雍正四年旌表

陶象恒妻張氏夫亾翁姑垂暮氏昕夕承歡二老忘其無子  
撫三孤嚴慈並濟胥令有成守節四十餘年雍正四年旌  
表

樊吞印妻張氏年二十五而寡子女俱無夫二弟相繼歿婦  
皆轉適氏獨矢死靡它留養翁姑姑病閱八月浣滌穢惡  
侍奉不少離撫義子以承祀年七十餘卒

王槐三妻傅氏爲賊所執給之曰有瘞金于汾湄棄之可惜  
偕往取之賊信且喜旣至則一躍而入賊相視愕然  
劉士元妻杜氏士元貧且病氏竭力侍奉者數年比卒晝夜  
哀號越數日整衣投繯死

王永康妻梁氏子女無出年二十五夫亾守志翁姑冥婚他  
姓女卜吉合葬氏聞先期五日自縊死



山西通志 卷一百五十八 五  
席宗文妻楊氏宗文父客死奔喪遠出氏與姑偕處姑命浣衣水邊有狂徒裸身入水侮之氏奔愬其姑遂投繯死

李崇文妻王氏性至孝割股療姑疾夫亾撫兩孤孀居四十七年媳衛氏亦以節聞

郝付華妻張氏夫亾不食旋自縊

許昌業妻王氏年十八夫病危囑以別適氏曰吾當與爾偕行也夫卒自縊柩側

孫有祿妻梁氏夫病割股夫歿守節四十餘年卒

李三娃妻段氏三娃貧民也傭賃吉輝謙家輝謙艷氏容令

三娃宿牛舍飼牛潛往挑氏氏不從喊聲徹隣里輝謙乃逸三娃歸氏訴以故遂投井死州守胡一俊訊治得實輝

謙寘法

閻守選妻李氏少寡子曰耀幼矢志苦守未幾子復故同婦

李氏鞠育幼孫無故不輕出戶外刻闡幽集

某氏被賊執馬上夫躡其後氏恐賊殺之抗詞訣別徑道傍

井卽奮身投入又一婦死秫林中數日得其屍見一犬守其旁又一婦強項不屈扶不上馬見殺惜俱逸其姓氏云

理學辛全妻張氏李俊機妻馬氏陳憲妻聶氏陶克相妻孫氏姜賊變被執胥罵賊不屈死

閻日章妻樊氏年二十五夫亾或諷之嫁氏曰婦無二天無子且守况有藐孤在耶晨昏紡織以自給卒年七十餘刻

闡幽集

吳良翰妻許氏王繩祖妻楊氏雒仰峰繼妻張氏王應勝繼妻段氏楊廷櫟繼妻李氏皇甫熙妻段氏段弘茂妻韓氏

山西通志 卷一百五十八 六  
王家瑞妻段氏李慎德妻楊氏張學景妻毛氏王加清妻  
張氏生員蔡從周妻衛氏謝居爵妻吉氏李恩榮妻張氏  
李心宇妻楊氏張進誠妻王氏趙繼世妻侯氏衛我圉妻  
荆氏王進都妻趙氏生員陳廷策妻朱氏侯謹法妻南氏  
行有勇妻王氏董續策妻李氏生員梁陞廷妻和氏段文  
遴妻吳氏廩生楊孕芳妻李氏張宣妻章氏靳隆珍妻張  
氏郝一桂妻朱氏馬順妻陳氏馬推揚繼妻吳氏魏登義  
妻南氏郭兢生妻董氏常攀桂妻董氏陳天爵妻董氏皇  
甫榆妻袁氏皇甫翰妻張氏陳愈鑣妻郝氏張佩玉妻陳  
氏陳士文妻杜氏常應期妻王氏郝從珍妻支氏生員陳  
所習妻孫氏楊加悌妻張氏韓廷壘妻張氏衛養元妻原  
氏衛養玉妻楊氏劉冲元妻鄭氏段元煒妻權氏蘇景昇

母閻氏孫蘭徵妻陶氏李作楹妻康氏梁太儀妻陶氏張  
聯翼妻李氏柴大受妻南氏孫復茂妻鄭氏生員常榮桂  
妻朱氏以上俱守志節  
聞喜縣

晉

裴氏杜父妻成恭皇后之母也父襲當陽侯爲丹陽丞裴氏  
生后而父夭婺居養后以禮自防甚有德音成安初封高  
安鄉君

魏氏裴駟妻柔明有文義孫子野生而母魏氏亾殷氏鞠養  
以章句授之子野後爲通儒

郭璞女亦善地理初吳興郡城秦時爲下菰城又爲項王故  
城晉郭璞欲移郡東遷其女啓璞無徙因舊址損益之可



以西通志 卷二百五十八  
以永無殘破之慮璞從之先璞欲移城立標輒爲飛鳥銜去會其女又啓遂定於今處女號遷城小娘從璞廟祀

宋見

知州鄭建撰記

北魏

辛氏荊州刺史裴他妻北齊中書舍人讓之母也高明婦則又嫻禮度他喪讓之年十六不勝哀泣撫之曰棄我滅性得爲孝子乎六子皆幼廣延師友或親自教授讓之諷之讞之訥之謀之謁之俱著才名成顯官內外戚屬有吉凶禮制咸取則焉

裴叔寶妻夏侯氏道遷姨也性甚剛峻子植颺瑜粲衍皆如嚴君非衣帽不見小有罪過必束帶伏門經三五日乃引見之督以嚴訓年踰七十以身爲婢手執箕帚於沙門寺

掃灑遂出家爲比丘入嵩高積歲乃還家

唐

李德武妻裴氏字淑英安邑公矩之女以孝聞宗黨德武在隋坐從父全才事徙嶺南時嫁方踰歲矩奏離婚德武謂淑英曰我方貶無還理君必儷他族於此長訣矣淑英泣曰夫天也可背乎願死無他欲割耳誓保姆持不許夫姻媾在都者歲持朔望裴致禮唯謹居不御膏澤嘗讀烈女傳見述不更嫁者謂人曰不踐二庭婦人常理何異而載之書後十餘年矩決嫁之潛許柳直期已定淑英聞之斷髮不食矩乃止德武已於嶺南娶爾朱氏遇赦還道聞其完節乃遣爾朱與裴完聚如初

楚媛裴仲將妻歸仲將克修婦道相敬如賓姑有疾親嘗湯

山西通志 卷一百五十八  
藥接娣姒皆得歡心時宗女競尚驕奢謂媛曰所貴乎富貴者得適志也獨守勤苦何求媛曰幼而好禮今而求之非適志與富貴倘來之物何足驕人娣姒慚服及聞王父薨號慟嘔血不御膏沐垂二十年

裴貞一昭宗宮人封河東夫人朱溫使蔣玄暉朱友恭夜叩宮門殺貞一帝在椒殿方醉遽起單衣繞柱走史大追殺之昭儀李漸榮以身蔽帝曰寧殺我曹勿殺大家大亦殺之朱溫誣飾曰裴貞一夜持刀謀逆懼罪投井死追奪河東夫人爲悖逆庶人

宋

左僕射趙鼎母樊氏鼎生四歲而孤樊教以經史登進士仕至左僕射同平章事爲南渡名相

明

劉二妻陳氏年少夫故遺腹生子思恭紡績治生計撫孤成立洪武間建坊旌表

楊大越妻劉氏年十五適楊越三載夫亾子金孟甫二歲事親撫子守節以終洪武間建坊旌表

崔參妻信氏年二十三夫亾舅姑令再適信弗從守節五十六年天順間事聞旌表

生員王侃妻魯氏年二十二夫亾守節撫子嘉靖間奏詔旌表子嘉猷以孝聞評事李汝寬爲撰孝子傳

貢生張勛妻賈氏贈副使張九疇母巡撫張守中祖母也幼聰慧通經史能詩左右手皆善書尤工行草于歸後事舅姑盡道諧妯娌睦宗姻恩禮胥至勛偉丰儀言笑不苟盛



山西通志 卷一百五十八 九  
暑衣冠必肅氏終身相敬如賓助處鄉井好施濟析居以  
祖產讓昆弟氏佐成之助勤於學貧不能購書氏代為抄  
錄講經論道雖經生不能及助三中副車賁志以歿孫守  
中方五歲氏口授經書謂子九疇曰而兄弟莫能繼而父  
志亢吾宗者其是兒乎後果登巍科著顯績為世名臣胥  
氏教也

續得遷妻李氏年二十夫亾矢殉所親以立孤勸從之深居  
一室足不踰戶弟婦翟氏早寡亦以節終

李佐妻秦氏年十九夫亾躡踊慟哭嘔血數升死

張文定妻陳氏年二十九而寡家貧無子冰蘖終身隆慶間  
選貢秦柱奏表之建坊曰苦節承恩

王冕妻李氏冕子自西妻陳氏胥少寡守節萬曆八年建雙

### 節坊表之

生員遶唐佐妻支氏年十九夫亾哀慟不食七日死萬曆間  
題請建坊旌表邑人翟鳳翥為之傳

生員王廷舉妻趙氏年二十五而寡撫二子肖虞肖書列庠  
序綽有文譽尋相繼歿二婦李氏班氏同姑守志育孤有  
成時稱一門貞節

王道正妻張氏年十九夫亾守節訓子終身不渝崇禎間直  
指題旌

生員宋璉妻王氏璉亾誓死家人防之嚴弗遂將葬前數日  
防稍疎卒自縊

薛宗善妻張氏年及笄字宗善未婚會歲歉宗善就食於外  
十餘年不返氏守貞待之其父求宗善歸始合番氏已二

山西通志 卷一百五十八  
十有七矣未幾流寇起被掠詈罵不輟賊怒以三矢穿口而死翟鳳翥私謚曰貞娥有傳

楊貴川妻張氏崇禎四年爲流寇所掠氏罵不絕聲賊怒釘其手足於板胸刺數鎗而去

楊九州妻劉氏九槐妻張氏九序妻宋氏九前妻孫氏崇禎辛未流寇至妯娌四人同赴一井死

劉起蜀母賈氏妻賈氏暨妹適解傳者辛未遇賊相繼投崖死邑人翟鳳翥有傳

任國祚妻張氏寇迫抱女投崖死

崔氏下丁村人罵賊投火死

呂氏二婦下丁村人賊迫投井死

吉氏楊莊人被執抉目刮面罵賊死

王日廷妻李氏崇禎十六年翻山鷄兵防河南下掠其家見氏有容姿殺其夫執之上馬氏痛哭大罵投地數四兵怒拔刀砍死年二十有二

崔振妻張氏王璧妻馬氏廩生董繪妻張氏生員吉珣妻梁

氏李翰妻王氏趙庭妻劉氏張仁妻馮氏柴管妻張氏李

濬妻王氏任璫妻趙氏李澤妻王氏生員秦騰霄妻崔氏

趙廷玳妻牛氏陳彪妻李氏衛得澤妻劉氏李萬陵妻翟

氏張九思妻衛氏王大經妻李氏譚九思妻趙氏張瑋妻

李氏李晚妻王氏趙進儒妻賈氏王召妻陳氏喬凌霄妻

班氏仇玉妻李氏李存妻郭氏楊時果妻李氏孫可成妻

盧氏劉邦柱妻景氏楊夢韓妻李氏張應元妻喬氏韓士

存妻高氏張伯清妻趙氏丁承家妻楊氏故吏任進福妻



山西通志 卷一百五十八  
孫氏趙桂芳妻魏氏以上俱守志節

國朝

生員任道敷妻董氏年二十一夫亾無出紡績養翁姑撫姪  
爾孝爲子教誨有成中庚午武科康熙五十五年建坊旌  
表

生員翟允觀妻武氏年十九夫亾子士炯方五月孀居四十  
餘年撫子游庠康熙六十一年建坊旌表

張丑女張漢英女髻年端淑惡少楊虎娃窺其父母他出入  
逼之丑寧死不辱虎娃遂手刃焉時女年一十有四雍正  
五年事聞旌表

張逢吉妻周氏壽一百七歲雍正七年建坊旌表  
賜額貞壽

郭洪春妻李氏洪春賈於外氏與姑處室惡少李長青持鎌  
出刈草會見氏姑往隣所詭詞乞火入逼氏氏不從執之  
呼隣里長青以鎌柄擊其手氏堅持勿釋聲益疾長青懼  
持鎌亂砍死姑返婦被殺隣里胥驚視得鎌於地驗之知  
爲長青物父竒生縛送有司俯首伏罪雍正八年旌表

馮養宅妻王氏姜賊之變寇尅邱村劫掠氏潛匿空室中賊  
入牽之氏曰毋牽我自行抱子出門從容入井死

楊玉泰妻孫氏字花鈴歸玉泰未久會姜賊之變知縣孫芝  
華引兵屠店頭堡沿及董村執花鈴上馬跳躍不從且哭  
且罵兵以亂刀斫之至死罵不輟聲

李銀鈴李貴美之女被執驅之前行銀鈴顛仆於地厲罵求  
速死兵遂殺之

山西通志 卷一百五十八 列女  
生員趙維祚妻賈氏生員杜正根妻孫氏生員王嘉言妻吉氏被盜執不屈俱投井死

生員任鼎繼妻賈氏鼎故氏痛哭矢殉家人伺之嚴氏乃佯節哀起治喪事姑姨謂其無必死意防稍懈夜半潛自縊去夫歿僅七日爾上下裳服皆縫紉周匝蓋不欲使殮者手親膚也又張鵬程妻馬氏年二十一夫亾數日不食亦投繯柩側

武生楊良棟妻班氏早寡有求娶者斷指示志撫遺腹子守節以終

續之玉妻趙氏年二十三夫亾事親撫子守志弗渝氏患足癰子印青以口吮血既又割股以進一門節孝鄉黨稱之薛寧妻方氏寧貧傭工度日氏以女紅佐之寧卒遺一女慕

氏之賢者胥欲委禽焉氏嚴絕之期年窘愈甚抱女投井死里人哀之斂財市棺爲合窆焉

生員謝懋德妻賈氏舊志薛懋德夫病焚香禱天請以身代病危氏先縊以殉

孫起蘭妻樊氏媳陳氏生員甯天眷妻王氏生員程式濂繼妻郭氏生員葉豐生妻李氏生員甯四翰妻孫氏舉人荆元升妻甯氏趙進科妻常氏贈知州朱繼壽妻左副都御史朱裴母張氏丁聖祀妻牛氏子日強妻楊氏趙桂芳妻魏氏牛應奎妻曹氏班序震妻王氏任雅薦妻景氏牛承誥妻程氏喬邦憲妻趙氏裴興元妻柴氏白如冬妻柴氏王定妻張氏李謙妻溫氏王道隆母劉氏王域妻李氏生員王行言妻李氏生員孫爾玉妻程氏賈珣妻李氏珣子



山西通志 卷一百五十八  
生員炳妻趙氏炳弟灼妻楊氏牛斗樞妻趙氏張守善妻  
柴氏生員甯奇翰妻張氏楊爾捷妻仇氏任守福妻孫氏  
生員趙爾昌繼妻丁氏生員李翊鑾妻盧氏邱絃妻趙氏  
行惠妻董氏李齊景妻逆氏贈明威將軍朱爾元妻荆氏  
王欽祿妻楊氏支葉茂妻崔氏楊一植妻王氏以上俱守  
志節

河津縣

周

冀缺妻晉臼季使過冀見冀缺耨其妻饁之敬相待如賓與  
之歸言諸文公曰敬德之聚也能敬必有德以治民君請  
用之文公以爲下軍大夫

隋

王隆妻文中子通之母通卒藏其書於篋笥東西南北未嘗  
離身唐武德四年返於故居乃以書授通弟凝焉

唐

柳氏絳州龍門人薛仁貴妻也仁貴少以田爲業將改葬其  
先柳氏曰夫有高世之材要須遇時乃發今天子自征高  
麗求猛將此難得之時君盍圖功名以自顯富貴還鄉葬  
未晚仁貴乃往應募後爲名將

元

蘭門雙節薛氏曹氏俱清澗里蘭姓妯娌至正二年旌表其  
門

趙氏喬薛里人史姓之婦至正年旌表其門

舊志作金大定間旌表

明

山西通志 卷一百五十八  
侯耿妻任氏夫卒遺子璽方四歲養親撫子守節七十餘年  
壽登百歲嘉靖間旌表

生員杜相妻甯氏相亾治喪訖晝夜哭泣七日不食卒

生員周誦妻侯氏年二十一夫故守節七十餘年足不踰戶  
庭壽一百有三歲子新造亦年七十餘能孝其母邑令表  
其門曰節孝雙全

生員武夢吉妻張氏夫亾守節姑病藥不嘗不進葬祭盡禮  
居家節儉有餘輒濟貧人迄老如一壽八十卒

藍田教諭暢家傳妻薛氏尉氏知縣一鵬繼母也年二十二  
夫故守節三十年隨一鵬之任尉氏流賊破城一鵬殉難  
薛閉門自焚死

生員陳簡妻程氏年二十而寡守節十餘載流賊入境氏恐

### 辱身投井死

李胎子妻李氏年二十五歲罵賊被殺

王孟才妻袁氏夫賈於外氏獨居比隣王永吉者乘機逼淫  
氏峻拒不從恥辱婦節必欲一死以見志時方有娠媼黨  
咸慰勉之越月旣娩身卒投井死永吉抵法

貢生趙埭妻李氏生員趙埕妻暢氏隨翁輝任霸州城破同  
日盡節死

周某妻張氏張綱女薛祐妻暢氏劉某妻李氏康文進妻劉  
氏趙沈妻陳氏柴錦妻高氏解鳳妻趙氏生員趙爵妻高  
氏史廷瑞妻崔氏吳嵐妻薛氏生員薛萼妻高氏楊鐸妻  
張氏生員郝百祿妻王氏解登瀛妻郝氏生員杜汝思妻  
柴氏解宰妻師氏生員高超妻邵氏生員許子蘭妻阮氏



知州邵寵妻張氏舉人劉國翰妻邵氏以上俱守志節國朝

李維喬妻郭氏年登一百二歲雍正三年旌表

賜額貞壽

衛振聲妻侯氏少寡家貧守節二十年備嘗辛苦遇盜義不受辱投河死子建藩成進士

貢生暢體元妻賀氏闖攻故鎮垂破氏攜子女並媳呂氏俱投井死

生員郝正妻趙氏歸正甫二載闖亂夫被害氏墜高崖下絕而復蘇教子彭齡列明經守節終老

張茂信妻方氏江南儀真人年十六歸茂信時翁三俊僑寓儀真久將歸里忽遭病危甚醫藥罔效氏割股肉煎湯以

進食已頓甦病遂愈既歸舅與夫相繼歿昆弟暨宗人之黠者瓜其產氏年二十與繼姑劉勤紡績以資養姑性嚴毅氏修婦道益謹姑盛夏患瀉痢洗滌衾褥略不嫌穢惡藥糜非親嘗不進夜則與姑共一枕面相抵聞呻吟輒起摩挲詢所以目不交睫者五旬餘內外姻戚來省視姑口誦婦孝不置教子尤嚴子錦鳳多令德孫維鏞弱冠領鄉薦咸謂氏節孝之報守節四十一載年六十卒

薛起妻張氏少寡撫三女守志姪利其產悉奪之舅耄聽諸孫計潛許婚於張三清孫女卽字三清子里惟張薛二姓薄暮入室劫行氏至張被髮跣足以頭搶地罵不已奪刀自刎垂斃衆驚昇之歸明日控諸縣令受賄反授氏曰不從舅命氏起立怒詈執授擊令觸柱血被面事乃寢越七

山西通志 卷二百五十八  
年三清執前議求子婦於張氏不許復控諸縣楊令玉具  
得其狀置諸姪於法氏節克全

高功妻薛氏年十六歲功卒撫遺腹子浩守志終身

許聯甲妻周氏年二十七孀居守節五十五年壽八十一卒  
子端彥中康熙庚子鄉試

許小年妻李氏年二十二有惡少夜踰垣入逼之氏不從被  
刺死倒納屍水甕中

柴啓秀妻郝氏年十八性端淑康熙壬寅歲飢氏守禾於田  
隣有常山山張端者窺野無人偕往逼污之氏怒罵不從  
被勒死知縣錢元台秘踪跡得之斃二兇於杖下

張維善妻袁氏年十七于歸數月維善卒舅姑無次子氏奉  
養二老以壽終遠近稱之

張璧印妻馬氏性孝舅病刲股療之年二十而寡撫遺腹子  
禧亦早折禧妻改適氏撫二孫俱成家故貧窶時食糠粃  
或累日不舉火氏處之晏如也卒年七十餘

袁重華妻任氏割股療姑病知縣扁旌之

原某妻馬氏康熙辛丑歲稜氏乞食於市時泣語人曰少婦  
爲此有靦面目死易易耳顧安得死所而無累人耶或戲  
應之曰去此十餘里西嶺口有紅石崖窮巖絕壑死此可  
無累也氏明日徑至其所脫耳環一易食餅一以畀母隣  
人有過者悉授之曰爲語吾母無復望我我今死此矣言  
訖投崖下死

楊國仁妻南氏生員邵可相妻董氏龐禎妻趙氏楊國寧妻  
賈氏龐恂妻衛氏謝錫爵妻張氏以上俱守志節



山西通志 卷一百五十八 稷山縣

元

趙氏雁門人金進士趙泰女姚居實妻元初居實避兵雁門泰以女妻之生天福後拜監察御史戒之曰古稱委質爲臣當公爾忘私以塞其職勿以未亾人爲卹俾吾追蹤陵母也天福泣謝請於憲府曰御史責當言路有犯無隱萬一得譴乞不爲老母累或以聞世祖歎曰天福母子雖生今之世其義烈之言當於古人中求之勅侍臣董文通宣付史臣書之

楊氏修武人祖懷仁丞適天福拜監察御史劾奏省臣阿合馬不法事二十有四會駕幸上都阿合馬縛公欲害之索其家得糲米數升楊氏詣臺言權臣奸殺御史臺臣不知憲綱何在衆駭愕悉寮案詣臺上書天福得出繼爲江南湖北道按察使劾愕省平章阿里海牙罪其人賚金銀器以遺楊楊召憲吏至家命以所賄器詣憲司曰吾夫劾平章何以是賄我會平章以來朝見歎曰豈惟汝廉若妻亦廉矣

明

裴思孝妻董氏董良甫女守志節洪武間旌表其門  
楊希文妻郭氏守志節成化初知縣張諒奏旌其門  
韓尚貴妻鄭氏守志節萬曆壬辰御史喬璧星奏請旌表知縣劉一相有記

張世祿妻加氏御史賀給粟帛旌其門云本婦分比目於七載守栢舟於六旬值悍姑尤見其貞甘茹荼以終其節御

山西通志 卷一百五十八  
史趙復扁其門

舉人崔日進妻秦氏夫死水漿不入口旬日死萬曆戊申知縣薛承教申請旌表

楊希賢妻薛氏希賢被誣殺人當死氏赴闕擊登聞鼓自剄賴救得蘇有詔覆治寃竟白

監生胡寧妻梁氏湖廣大叅梁某女寧卒守志知書教子年九十有三卒萬曆辛丑奉詔旌表

高應命妻梁氏年十七無子應命病篤訣於母曰兒亾新婦當嫁氏侍側泣曰此言胡爲及我比應命卒誓不改適鷄鳴盥櫛曲盡婦禮稱未亾人者六十五年壽八十二卒

史潤妻崔氏年二十夫亾家貧甚母將奪其志氏誓不毀節撫二子有成崇禎十三年御史李豫具題建坊侍郎高辛

印換墓誌

薛愷妻崔氏少寡遺子女各一紡織養孀姑矢守不二突聞有求配者憤恨投繯死

馬從麒妻甯氏夫故無子年二十誓不再醮甲申逆闖破城氏度不免投井死

張拱娃張所學女時稱艾姑娘年十五未適人甲申被擄罵賊死

張選妻孫氏梁淵妻薛氏生員薛習學妻張氏生員王英妻李氏生員吳灝妻裴氏加洪妻程氏薛廉妻李氏馬秉剛妻梁氏生員李應奎妻裴氏生員張銓妻李氏生員張實妻喬氏任希元妻張氏張光國妻姚氏趙邦林妻朱氏鄧鏗妻趙氏趙思榮妻翟氏生員鄧應誥妻鄧氏高世勛妻



山西通志 卷一百五十一  
王氏馬騰霓妻高氏劉梅妻陳氏賈思聖妻曹氏生員王佃妻楊氏生員史允濟妻張氏生員王觀妻梁氏任希亨妻盧氏任三令妻楊氏以上俱守志節

國朝

朱福全妻蘇氏孀居守志歷有年所隣有朱成玉者蓄志將私之夤夜踰垣入氏驚起盡力格鬪喊聲四達成玉持鎌砍殺之康熙十九年上其事成玉論死旌氏之貞烈

閔時輝繼室秦氏夫死於賊以懷娠不卽死旣而誕子撫存夫祀壽九十餘卒康熙二十九年建坊旌表

馬一鵬妻薛氏年十九夫亾撫遺腹子馬錫守志巡撫特加獎異壽九十六終

姚黃黃姚登位女幼字原剛之子長長及笄長長病歿貧不能具棺其舅憐而殮之黃黃姊私謂窮根已拔黃黃揮淚曰脫再字再貧其如命何長長將厝前一夕黃黃竟自縊其舅亦具棺殮之與長長合葬焉

張氏洛陽令甯陞繼妻壬辰進士甯時文祖母也年二十三夫亾守志撫孤兩世壽八十七而終孫四人天其三啓妻屈氏年二十三而寡造妻劉氏年二十四而寡簡妻韓氏年二十一而寡一門貞節胥氏之遺範云

張綸妻閻氏幼嫻女訓年二十六夫亾家甚窘事衰翁甘旨無缺已則啖糟糠常不令翁知課子力學登賢書尤時以入公門爲戒卒年七十有四

生員張素養妻黃氏善事姑嫜邑稱孝婦後夫亾守節以壽

終

王辛印妻吉氏少寡子幼家貧甚氏荼苦守志藉織紝以治生卒年九十餘閭里稱之

段貞女段吳考之女年十五未適人雍正巳酉六月夜山水暴漲廬舍漂沒女被溺浮沉蘆葦中鄉人奔救女以赤身堅不肯出濡水而死

閆肇基妻丁氏事舅姑盡孝姑歿舅僅中年不復娶氏奉養曲至歷數十年無少拂逆舅垂歿言於衆曰此吾家孝婦也汝曹幸爲我表揚之及卒氏哭之慟每食必薦閱終身如一日云

焦霖妻甯氏生員張鳳翼妻薛氏生員劉士俊妻王氏生員張性永妻吳氏生員薛衍慶妻劉氏解中啓妻賈氏張邦畿妻趙氏生員史允中妻鄧氏馬應麟妻史氏趙弘儒繼

妻黃氏任用惠妻衛氏楊廷彩妻文氏楊維奇妻段氏楊景溥母任氏趙弘福妻張氏王學申妻高氏馬帖妻梁氏賈廷瑞妻李氏文象乾妻王氏裴宸藻妻解氏生員賈銓妻程氏生員崔文蔚妻鄭氏楊廷獻妻劉氏王可節妻李氏蘇維孝妻梁氏裴友徽妻鄧氏生員任四維妻祁氏甯自立妻邢氏宜興令王震亨妾陸氏王建侯妻閻氏王三浪妻孫氏葛景洪妻蘭氏段弘旺繼妻景氏王國翰妻劉氏姚崇學妻楊氏王積善妻賈氏任經治妻徐氏劉壯猷妻許氏閻芝妻周氏蘭爾揚母陳氏劉漢彝母閻氏陳效良母王氏以上俱守志節

絳縣

元



山西通志 卷一百五十八  
丁堅妻秦氏年二十二堅亾遺孤甫二歲孝事翁姑撫子成人至正十一年旌表

明

陳銘妻王氏年二十三夫亾誓不再醮撫二子昭彪有成昭為國子生成化五年奉詔旌表

生員劉應期妻任氏年二十一夫亾無子舅姑早逝氏悼痛自縊祖姑張氏救免撫姪守節垂四十餘年萬曆間奉詔旌表

鄭奉先妻王氏姑病篤焚香叩天割股作羹以進姑啜病尋愈邑以孝稱

進士張夢鯉妻閻氏有節行奉旨建坊旌表  
生員譚進德妻劉氏夫故旬日不食死學道吳旌表其門

甘泉知縣郭永固妻焦氏夫死難氏亦罵賊殉夫並賜祭贈爵廕子兆祥為官生

張荆璞妻馬氏流賊破堡氏墜堡幾斃賊迫之溺身於池罵不絕口復被刃而死子養心以孝行聞

靳毓奇妻劉氏聞寇警攜女投井知縣黃申請旌獎母子雙烈挽以詩曰茫茫千騎紅顏改烈烈雙清玉女隨

王承廕妻譚氏避亂柴家山寇至義不辱身攜女王氏暨承樂里劉永祚妻某氏同墜千尺深崖屍完無損人驚異之  
李時元妻王氏避亂東山賊迫時元見殺氏號泣厲罵賊並殺之

盧養蒙妻高氏崇禎丙子盜起氏攜女避難至翼邑之南道棄一孩啼泣熟視之乃親姪高榜也問其父於途人咸謂

山西通志 卷一百五十八  
遇賊死氏聞流涕並負姪行去里許力不能支輾轉籌畫  
曰吾兄止此一子棄之便絕高祀寧我無女不可父母無  
後於是棄女攜姪去暨賊退高與姪歸其兄竟未死先在  
中途得遇高氏女而負歸矣一時傳爲美談後一年高生  
子奎觀入庠

生員黃文選妻柴氏年二十二夫故守節五十三年崇禎九  
年奉詔旌表

柴禮妻楊氏張師孔妻宋氏喬廷高妻趙氏生員原廷岳妻  
裴氏李繼曾妻曾氏喬應召妻馬氏靳東岳妻馬氏賈天  
助妻范氏以上俱守志節

國朝

焦三娃妻趙氏三娃偕王全鎖司更舖舍全鎖窺氏獨處夜

半詭言寒甚返向火徑趨氏室叩其門氏以三娃歸啓門  
納之全鎖強持仆炕氏奮力格拒幼子被壓死全鎖怒掣  
炕頭鐵器擊殺之棄屍於北巷復返舖舍臥黎明三娃歸  
門大開子死妻不見血污滿地尋得屍所在莫知殺氏者  
後見全鎖衣漬血因究得之康熙六十年奏聞論如律氏  
詔旌

趙國盛妻邵氏年登百歲雍正三年建坊旌表

韓多壽妻王氏多壽以慟父亾遺孤二歲旋亦夭時歲饑所  
親胥迫之嫁矢以死拒隣婦李矜其苦節伴作息者數十  
年至死猶囑子婦敬事之

拔貢原世儒妻董氏世儒選平海衛經歷之官遇海賊迫之  
投順世儒罵賊死氏年二十七子始達方七月撫成娶高



氏年二十八始達又卒高氏同姑撫子以終

生員白玉書妻孫氏年十八玉書卒氏悲傷成疾七未終而

歿邑令表其門

王允妻裴氏年十七喪夫子女無出家甚窘尚紅度日事病  
姑色養弗衰邑令旌其節孝

石含玘妻吉氏暮遇寇氏與家人五六潛踪屋上爲賊所窺  
氏自揣不免謂我一命不捨衆皆懼虎口矣賊問乘屋者  
幾人因唯曰我而已遂倒墜而下罵不絕口賊斷其喉  
而死餘因得免縣尹賀雲舉表其門

生員李邦輔妻邵氏遇賊逼之去氏瞑目曰有死而已肯從  
賊耶賊怒揪其髮殆盡泣罵不已卒不可動賊遂碎屍而  
去姑王氏明季死難時稱姑婦雙烈

王之鳳妻陳氏遇賊奮罵不屈死之

王承弼妻李氏年二十七夫故無子嗣姪王置娶范氏年十  
五亦無子而寡嗣孫知化娶范氏年二十二又無子而寡  
范氏泣曰王門世守貞節豈至我而改操耶復迎從姪榜  
娃閨已承祀上事兩姑下撫二子李年八十有三范氏姑  
媳亦俱以壽終

陳叫占妻撤氏事姑以孝聞姑病篤湯藥罔效氏禱天刲股  
姑啜之病尋愈縣尹旌其門

王一字妻郭氏姑病臥五載氏旦夕侍側奉甘旨視湯藥備  
極其勞夫弟維宇早歿遺一幼女氏撫養成人無異己女  
邑令旌之

賈芳芷妻李氏年十七結褵未三月夫故氏矢志從死竊入

靈室自縊

監生喬璞妻王氏璞卒立姪則簡承祀將窆三日前沐浴自縊時年二十七歲又裴恒祚妻李氏夫亾亦自縊邑令表之曰英烈奇風

賈潏沽妻王氏年二十六而寡事姑撫穉冰蘖自矢壽七十

吉維新妻李氏生員王之楨妻徐氏張雲霄妻曲氏王三家

妻喬氏王用極妻陳氏張飛妻朱氏

舊志宋氏

王大良妻馬氏

尉思定妻郭氏劉基壽妻王氏王啓祚妻尉氏王啓允妻

任氏柴作楫妻賈氏生員任周統妻李氏王安世妻張氏

生員馬斯臧妻王氏生員郭面滌妻郭氏史國瑾繼妻郭

氏子鏡妻馬氏生員任緯焜妻張氏賈培代妻王氏生員

張奇勲妻樊氏徐三讓妻裴氏裴應絺妻王氏賈可揚妻

曹氏王尊妻李氏撒五常妻王氏焦玉甸妻樊氏石壯猷

妻楊氏王育才妻郭氏陳運洽妻常氏王隆祚妻汪氏武

生柴國楨妻韓氏樊君養妻王氏張應秋妻高氏張修已

妻趙氏生員譚如綍妻康氏譚應官妻石氏子守緘妻劉

氏柴國祥妻秦氏柴則文妻王氏王正寰繼妻劉氏生員

陳良相妻李氏劉珩妻王氏劉師良妻康氏生員郭隆汾

妻王氏馬伯選妻王氏李備妻王氏王徵妻陳氏閻世芳

妻王氏王延長妻靳氏王鼎祥妻鄧氏裴衡妻焦氏都司

經歷賈三樂妻任氏子卓然妻王氏賈接妻石氏賈紹文

妻李氏賈永萃妻王氏王璉妻李氏史國瓚妻荆氏史秉

智妻王氏王吉士妻孫氏張燕妻原氏王者與妻裴氏董

壘妻宰氏張三品妻李氏生員喬鳳閣妻王氏朱天英妻



山西通志 卷二百五十八  
張氏董明修妻史氏王宗義妻李氏喬明政妻李氏郭內  
篤妻喬氏崔倫興妻郭氏閻世膏妻史氏劉金鉞妻王氏  
吉旋妻樊氏任景慧妻衛氏生員史秉鈞妻王氏王洪烈  
妻鄭氏李可植妻王氏媳王氏李灼妻劉氏孫媳靳氏李  
加修妻董氏媳梁氏陳五常妻喬氏曹構妻王氏李景陽  
妻楊氏郭兆麒妻王氏劉家楫妻孔氏劉家楨妻馬氏李  
唐祚妻樊氏李唐裔妻王氏王鼎祥妻鄧氏崔含錫妻王  
氏陳自新妻馬氏常价妻郭氏李標榜妻許氏王時春妻  
李氏李丕績妻譚氏李丕著妻譚氏孫可便妻張氏陳中  
邦妻郭氏周永緒妻崔氏生員趙景翰妻陳氏范緝芳妻  
李氏陳祥鳳妻王氏曹際燮妻范氏鄭伸妻王氏韓輯瑞  
妻曹氏生員韓祥妻李氏李光宇妻柴氏劉堯治妻賈氏

陳美媯妻郭氏李時總妻郭氏以上俱守志節

垣曲縣

元

馬氏牛丞相墳石刻云氏成中郎牛敦妻垣曲大趙里人天  
姿柔和淑慎孝舅姑篤親族其夫賴之內外以賢德稱隴  
西李楫作文誌之

常氏適趙姓夫卒事親撫孤克全孀節縣尹顧士安有記

明

普曜妻張氏年二十三夫亾孀居四十餘年撫遺孤曰孝有

成官通判弘治十八年奏聞旌表

生員普曰利妻許氏靈寶襄毅公女夫亾欲自縊家人守之  
會葬夫掩壙潛吞土氣絕復甦一女尋亦亾苦守五十餘

山西通志 卷一百五十八  
年事聞旌表

文武臣妻陳氏夫亾立志守節勤紡織以養舅姑撫孤希韓親授遺經底於成立任華州同知事聞旌表

呂祥妻馮氏年二十二而寡子美妻席氏年二十一而寡孫爵妻譚氏亦年二十一而寡一門三節矢志不移俱享壽八十餘卒

生員郭東魯妻裴氏幼聰慧讀書識大義歸東魯不數載年二十一而寡哀慟矢殉次日自縊有司奏旌

生員王應運妻文氏夫亾痛哭絕食刎頸幾死家人救醒以親老慰止之甘心守節奉事孀姑姑病湯藥必親嘗乃進姑故竭力營葬廬墓三年院道旌表其門

張家聲妻劉氏年十八夫亾矢死垢面披髮不離屍側家人

謹守之越日稍懈潛縊柩前

文經邦妻郭氏年十八而寡翁姑早世子中銓未彌月勤勞織紉孝養八旬祖姑撫子中銓列邑庠事聞詔旌中銓妻楊氏亦早孀同姑守志以終

孫若柳妻胡氏年十九夫出亾氏紡績治生養翁姑育子女後夫卒於豫訃聞氏攜子大端徒步千里舁櫬歸葬有司聞其事建坊旌表

張士采妻王氏年十九歸張夫遭病籲天願代及夫故卽自縊以殉

咸寧知縣馬逢造繼妻楊氏年二十四夫卒哀痛欲死所親勸之氏瞑目不言前子跪而泣請氏曰爾父旣死我生何爲七日不食死



舉人張鵬翔妻劉氏年二十三夫亾守節四十餘年會闖陷城投井死子金鑑繼妻文氏年二十七夫死難欲殉不果撫前子貞明出入兵革間給徭役輸逋賦鄉黨難之

劉復蘭妻王氏年二十夫亾子鎮遠甫三歲氏育子有成娶張氏舉人鵬翔女生子贊皇未百日鎮亦亾姑婦相依撫孤姑先卒張值甲申之變罵賊而死

石汝貞妻楊氏年二十二夫故織紵爲生撫孤成立聞寇警投縲死

生員譚汝蘭妻石氏崇禎六年避亂東石家堡堡破被執至村西強之行氏罵曰賊奴速殺我我寧死不踰此也遂引刀自刎後有司勒碑其地曰烈婦石氏自刎處

趙知二妻馬氏同知馬汝驊次女年二十二夫亾撫姪守志

歷五十餘載會甲申闖變氏與魯叅政夫人同經

訓導魯崇謙妻文氏闖賊攻城急氏率妾衛氏女瑞姐側身投井觸石覆軀死

生員郭鞏固妻楊氏殉難儒官楊自發女闖逆陷城誓死其子泣勸不聽偕楊門姪婦張氏墜井

生員趙應命妻張氏年二十歲闖賊破寨氏與姪女三進將死之賊易其幼誘之曰毋畏汝從我我能庇汝氏弗聽攜女疾投千尺崖下屍裂腦破賊驚駭而去

拔貢張治光妻郭氏子進士翰芳妻馬氏女蘭姐縣志賊破

葛伯砦胥投黃河死

楊丕振妻張氏年十八聞城陷墜井死頭面俱裂齒牙盡折見者尤爲慘傷

山西通志 卷二百五十一  
生員張詡妻呂氏栢森妻裴氏常琮妻趙氏張淵妻王氏常  
凱妻師氏生員張鎮妻呂氏文克洪妻王氏郭元祥妻文  
氏王錦妻郭氏趙恕妻仝氏呂澤妻張氏郭希臯妻趙氏  
子養正妻魯氏生員文希游妻劉氏文汴妻車氏魯崇偁  
妻車氏席希商妻馮氏鄧曉妻郭氏文汝松妻王氏趙名  
教妻高氏廩生張治理妻閻氏文繩統妻普氏張家仁妻  
楊氏生員張時選妻王氏生員席應槐妻文氏生員趙祚  
悠妻張氏席登雲妻王氏以上俱守志節

王烈女王右史女暨趙臥龍妻劉氏楊年妻譚氏俱甲申之  
變墜堡死難  
魯廷彥妻趙氏張所蘊妻普氏俱甲申之變自縊死難  
張遂養妻王氏張宏養妻馬氏車祖商妻鄭氏俱甲申之變

墜樓赴火死

楊帝培妻郭氏張珥芳妻劉氏魯緝孔妻郭氏文登妾張氏  
郭繼章妻高氏劉戴明妻張氏張金錚妻車氏席國彥妻  
郭氏車奇際妻張氏俱甲申之變投井死難

文朝品妻張氏甲申之變自刎死難

張金鉉妻魯氏文達妻劉氏楊蘊素妻席氏鄭州知州魯世  
任繼妻趙氏文中第妻王氏魯大史妻文氏文新命妻馬  
氏張金鑪妻文氏文作礪妻張氏張鵬猗妻崔氏王元佐  
妻車氏崔煥妻王氏張首唱妻文氏文三錫妻張氏劉鎮  
華妻文氏張昌明妻劉氏魯聖脉妻安氏馬卽龍妻文氏  
俱甲申之變罵賊死難

國朝



知州楊自立妻王氏義士三畏女也年二十二夫亾慟絕時方抱娠母以存祀勸越四月生男楷氏含辛育子卒有成舉人趙邦興妻魯氏邦興應試禮闈卒於京邸氏典衣鬻產計返夫櫬撫育幼孤苦節三十餘年卒

獻縣令魯廷芝妻張氏幽閒淑慎允修婦道歸魯五載而寡孀居三十年教子力學有聲庠序

文曲瑩妻趙氏姑臥病三載貧不能繼醫藥祝天求代病危割股獻神以進姑病頓愈邑侯紀弘謨旌其門曰格神祐姑

張天顯妻申氏夫亾無子撫姪廷春嗣之孝事孀姑生死無違禮鄉黨賢之

生員張廷翰妻魯氏理學魯世任女也少承父訓嫻內則夫死無子忍死奉姑年五十有九卒

王振雍妻石氏年二十四夫亾無出妾李氏方娠氏晨夕籲天願畀一男以繼祀已果舉子備織紉育孤雛卒底於成申明舜妻劉氏楊俊譽妻趙氏廩生張金鎔妻李氏趙文彥妻劉氏劉宇楨妻趙氏張在常妻戴氏貢生婁騰鳳妻張氏趙經世妻魯氏廩生楊開甲妻趙氏魯鴻儒妻王氏文應選妻楊氏崔赴統妻戴氏生員喬廷楫妻劉氏生員席我文妻劉氏張竒遇妻高氏楊皇楨妻王氏石碧妻車氏張略妻席氏以上俱守志節

吉州

金

馮妙貞刑部尚書延登之女年十有八適進士張慥慥爲洛

川主簿元兵破葭州遂入鄜延鄜人震恐具守備守臣以西路輸芻粟不時檄慥往平涼督之時延登爲平涼行省員外郎慥欲偕妙貞以往妙貞辭曰舅姑老矣雖有叔姒妾能安乎君行妾留奉養十一月洛川陷妙貞扶舅姑匿曹氏窟室兵索得之妙貞泣與舅姑訣曰婦生不辰不得終執箕帚義不從辱卽攜三子赴井死縣從而死者數十人明年春慥發井得屍殯於縣之東郭外死時年二十四元

劉子文妻楊氏年二十二子文卒子原甫五歲守節撫孤至正二十年旌表其門

明

郝銘妻張氏年二十夫亾誓不再適守節五十餘年正統十

二年建坊旌表

生員賀新元妻張氏生女一字曹弘績爲妻年十八被寇困於明峪寨四面環攻甚急女呼母永訣投崖死之母亦觸石而死移時寨破賊斷其屍

生員杜天培妻史氏年二十五夫亾子萼甫二歲撫成入泮娶婦劉氏尋亦逝姑婦苦節以終當事旌其門曰雙節

貢生杜瞻妻毛氏生員劉有丁妻馮氏以上俱守志節國朝

曹弘濟妻葛氏年二十二夫故無子苦節六十餘年壽八十卒

庠生劉佐妻丁氏訓導玉書媳也家奴劉寄盜竊懲以法奴銜怨謀戕其主值佐外出持劍逐玉書氏見之奮不顧身



奔奪其劍體受重傷幾斃翁賴得免宗黨以孝聞

生員白奎璧妻劉氏武生陳鳳起妻張氏劉克勤妻白氏楊

培桂妻雷氏以上俱守志節

鄉寧縣

元

李彥和妻楊氏少寡守節志行純潔至正間旌表

明

生員高榮妻師氏年二十夫故誓不再適歸寧母家夫弟欲奪其志往迎之氏覺行至中途抱石沉潭死

成烈女成大化之女年十六未字人避亂山寨寨破被執欲

污之女婉言給賊賊甫釋手即投崖死里人競傳其貞烈

進士王培齡妻崔氏夫亾伏塚而哭三日不輟聲卒死於墓

生員楊友松妻王氏年二十七夫故事翁姑撫孤子守節六十餘年壽九十卒子游庠孫以明經官縣令萬曆間旌表

王之大妻盧氏年二十九夫故食貧守志縣令憫而餽遺之堅辭不受勤苦以終

閻嵩妻高氏趙仲福妻李氏文朝用妻崔氏李希道妻文氏

王朝德妻曹氏冀承恩妻盧氏楊廉妻鄭氏以上俱守志

節

國朝

史烈女農家史良奇女許字張星元之子年十六未婚婿為

虎傷女欲往弔父母弗許嗟歎累日適有求婚者父母將

允其請女曰我字張即張婦也奚再字為欲自盡防之甚

至寸絲尺縷搜取殆盡越日割鷄烹鮮偕母進祖母膳談

山西通志 卷一百五十八  
笑如平時母方侍食女托故出久不至母驚起視之已縊  
死於別室究縷之自來蓋密繫於著體痕深血漬已非復  
朝夕間事矣

趙德魏妻張氏家貧事翁以孝聞邑令張旌之

李烈女李固生女字同邑某氏已納聘有狂生館於李去女  
居不遠窺女端淑注意甚乃構讒語激其夫夫果信之請  
解盟女聞卽自縊固生哀憤訟之官讞得其故褫生衣頂  
杖懲示儆未蔽厥辜旣釋歸忽發狂疾歲餘死遠邇傳播  
以爲貞魂不釋云

高承芳妻盧氏高鍾申妻王氏生員鄭系隆妻王氏生員王  
祐妻賀氏文統妻劉氏以上俱守志節

隰州

金

楊貞妻孟氏貞爲隰吉經略元兵圍急氏自經女適伍禮厚  
亦墜崖死

明

生員秦永爵妻馮氏年二十五夫故無子杜門守節八十五  
歲卒當道屢旌其門

生員張汝翼妻劉氏年十九夫歿遺子重華方一歲氏悲痛  
欲殉隣婦勸曰汝死固得其所奈孤兒何氏悟苦節自守  
訓重華爲郡諸生重華亦以孝聞氏年八十七卒

貢生王朝用妻李氏年二十朝用卒殮畢卽自縊母覺救甦  
時夫弟朝薦暨子王化俱在抱氏併乳育之咸爲完室壽  
八十九而終



山西通志 卷之二十一  
監生王家材妻宋氏寇亂匿樓上樓陷股折賊執之揮指刺賊目賊怒殺之

馮鍾靈妻郭氏文安教諭育才女賊執不屈裂其尸長清令牛友月妻宋氏生員史記妻楊氏牛大吉妻蘇氏寇入城度不能免胥赴井死

劉兆麟妻馮氏有姿色爲賊所執堅不受污死之

貢生李呈蘭妻馮氏年甫十八聞賊至抱幼女投井死

李清秀妻員氏被掠抗顏罵賊冒刃而死

張輔妻劉氏生員鄧貞妻崔氏生員張渭妻劉氏楊友桂妻李氏廩生王啓科妻秦氏宋氏逸夫姓名生員秦惟精妻李氏選貢秦自治妻牛氏劉湛然妻牛氏以上俱守志節

國朝

宋德盛妻王氏適德盛未期遇寇被掠不屈遂遇害

王星妻張氏適星三載年十九夫故舅姑繼歿氏苦節撫子壽八十二而終州牧旌其閭

宋希唐繼妻王氏希唐暨長子同日死難氏年二十一力撫二歲子德隆守志壽八十七卒州牧旌其閭

生員李溥妻蘇氏年二十夫故無子誓不二天歷五十餘載州牧表之曰蕙質冰心

宋希虞妻王氏李培秀妻宋氏鄭光濟妻王氏王家棟妻蘇

氏生員宋瑚妻趙氏廩生樊毓桂妻秦氏宋爾祚妻李氏

張廷聘妻卜氏劉承德妻任氏生員牛奎妻劉氏郝希良

妻王氏郝國玉母任氏解之信妻郭氏姚大純妻韓氏馮

家會妻李氏劉某妻任氏張弘器母曹氏以上俱守志節

蒲縣

元

賀遵道妻馮氏年十四夫亾子未週守節不二至正間旌表  
明

生員曹動妻冀氏年二十三夫故嗣姪守志無何姪亦夭同  
媳張氏共撫遺孫壽九十而終萬曆二十八年奉詔旌表  
邱岩繼妻席氏幼貞靜嘖笑不苟適岩數載而寡守節撫孤  
歷數十年人無閒言天啓三年奉詔旌表

馮氏永和籍流寓於蒲崇禎癸酉歲大饑人相食夫強其改  
節氏乃摘耳環市餅食毒偕子女俱死之

張仲祿妻曹氏廩生任魁名妻曹氏夫亾胥守志節

國朝

廩生張焜妻王氏年十七焜故止一女守節事姑歷諸艱不  
變志鄉黨賢之

御史賀梗妻馮氏以孝聞繼妻席氏以節顯季子友富妻王  
氏早寡守志母儀婦道克紹兩姑

席先品妻閻氏年二十三子傑甫二歲先品商於外頻年絕  
音問客死吳中訃聞氏慟絕而甦傾資迎喪歸葬苦志三  
十四年督學表其閭曰心清白雪

馮瑞梁妻賀氏瑞梁死於貧氏年十八子儀鳳甫三月無翁  
姑親族之依歲凶瀕死節操彌堅訓子食餼於庠人稱徹  
骨節婦

庠生劉玠妻龐氏庠生劉琪妻王氏劉珩妻李氏劉珮妻劉  
氏胥二十餘而寡龐與李無出王子書香劉子書陰四婦



山西通志 卷一百五十八 列女  
共撫兩孤交勵志節以終

曹鳳梧妻李氏王彥清妻趙氏庠生張子龍妻姜氏曹裕年妻張氏生員曹頡妻馮氏生員賀九錫妻張氏廩生曹周翰妻馮氏廩生張問明妻冀氏貢生任中麟繼妻席氏子庠生任台妻王氏曹志正妻常氏廩生冀驥妻曹氏庠生冀驄妻邢氏閻弘儒妻馮氏席貢益妻杜氏庠生張書紳妻張氏曹連臣妻趙氏生員曹爾瑾妻賈氏王林鳳妻曹氏生員郭鴻儒妻馬氏以上俱守志節

大寧縣

元

杜氏少寡守節割體肉療姑病

趙氏名哇兒年二十夫蕭氏病劇謂哇兒曰我死汝年少若

之何氏曰君幸自寬脫有不諱妾不獨生也遂命匠製巨

棺夫歿卽自縊死家人同棺殮葬焉

通考作趙哇兒妻蕭氏

趙雕兒妻安氏陳恭妻張氏武壽妻劉氏宋敬先妻謝氏撤里妻蕭氏並以少寡不忍獨生以死殉夫者事聞悉命褒美或賜錢贈謚云

明

馮登輔妻賀氏勅建貞烈坊

生員安汝光妻王氏汝光死氏不哭人詰之氏曰夫旣死不復生奚以哭爲及發喪就葬氏終不哭人竊議之殯訖氏忽投繯畢命向之不哭恐人之有覺而防也事聞建貞烈坊

生員曹易新妻馬氏易新死氏守節不嫁撫遺腹子成立天

山西通志 卷一百五十八 列女

啓四年題請旌表  
生員張二美妻馬氏崇禎己巳寇起被掠繫氏於野將汚之  
泣罵不從賊縛馬上載之行不數武力躍墮高崖賊怒趨  
崖下碎其屍

舉人張斗星妻李氏崇禎壬申寇陷城氏攜室女祿孩同赴  
井死題請建坊旌表

生員張拱北妻劉氏生員馬上乘妻曹氏壬申聞寇警胥投  
繯死

生員劉鳳翔妻馮氏夫亾守節壬申寇至誓不受辱遂遇害  
義官安三益妻張氏罵賊被殺且裂其屍

貢生張拱辰妻賀氏寡居十數年會闖變避亂州城州陷投  
井死

省祭李中和妻武氏年二十四而寡子綦方數月撫訓十七  
載生孫振基綦亦亾綦妻轉適氏接撫孤孫克承宗祀年  
六十二而卒事聞詔旌

生員賀希顏妻許氏崇禎六年賊陷城氏投高崖下折左股  
伏深窟中凡七晝夜不死賊退村人過崖邊聞呻吟聲繼  
扶以歸

國朝

馬人龍妻侯氏人龍爲流寇所殺子女胥天氏年二十二守  
貞不變年八十而終

馮高位妻任氏高位病歿氏傾資辦棺槨營窀穸葬夫旣畢  
遂自縊

生員劉秦斗妻馮氏年二十夫亾子而介甫八月家素貧茶



山西通志 卷二百五十八  
藥撫孤而介以選拔任上高令氏苦節四十餘年督撫旌其門

貢士房景星母王氏喪夫教子成名家聲不墜

生員安經邦妻李氏安三有妻韓氏生員暢爾志妻庾氏舉人安九域妻王氏生員馮琮妻武氏王應全妾張氏廩生馮聖啓妻曹氏暢登瀛妻任氏暢明妻房氏賀家瑞妻李氏尚高妻曹氏暢愉妻安氏生員馮景福妻曹氏廩生馬昶生妻王氏張廣妻翟氏馮五第妻馮氏賀君簡妻張氏馮如輅妻趙氏以上俱守志節

永和縣

明

生員李世金妻張氏早寡織紉奉姑教子宜孫鄉黨頌美

薛可教妻高氏崇禎間流賊破城氏墜城死

生員李世賢妻關氏生員柳先榮妻薛氏生員楊生輝妻馮氏生員馬行宮妻李氏以上俱守志節

國朝

生員薛印安妻苗氏寇亂夫死氏共妾馮氏饑寒困守苗年七十九馮年七十先後七日無疾而逝

薛俊士妻白氏明季大饑俊士避荒陝西氏年二十一生子甫三月織紡度日歷年五十志節不渝

守備霍顯才繼妻郭氏饒有姿容早寡富家爭欲娶之氏矢死不從嘗佩利刃以防危撫子入泮壽七十餘卒

郭世旺妻李氏康熙己丑歲稜郭將鬻其妻氏揣不能挽投河死之時年二十歲

山西通志 卷一百五十八  
馮某妻馮氏遭歲歉翁夫潛納秦人聘遣之行氏不從投繯  
死時年十九歲

袁時秀妻霍氏監生馮璽妻劉氏張福妻吳氏生員段爾玘  
妻劉氏生員李基泰妻劉氏康大定妻薛氏生員劉人麟  
妻李氏監生段士俊妻馮氏呼爾章妻喬氏李長華妻王  
氏生員侯世泰妻白氏以上俱守志節

山西通志卷第一百五十八





